

歷朝文集

宋

東軒銘

黃庭堅

字魯直分寧人

涇陵呂晉夫爲武寧縣其嚮勒足以御吏其俎豆足以和民以其身爲綱以其僚爲紀其有所急也民以爲義其有所緩也民以爲仁於其歲豐民間新作東軒以告豫章黃庭堅曰以此聽民非以勤民也予觀今之吏記三年則解體不治民亦厭之今呂侯不得

武寧縣志

卷之七

代踰四年矣而勤民如始之日民亦安樂之唯恐其去也故銘以勸來者呂侯爲邦如匠規矩除治燕處不卽歌舞於此近之間民疾苦里無追胥抱孫買鋤吏無重糈猛虎如鼠我班王春民在東臯于耜于餉勸其作勞亟其耘耔無慢于教役乃暇日于茅索綯桃李兌矣松柏峙矣知我民稼雨澤時矣萬物芸芸自本自根於其並作我觀其復富昔浮雲荷戈而逐呂侯燕居不棘其欲東軒高明有突有榮以納日月

鼓笙侯在東軒左經右律燕及其僚射侯酒食

公爾後來式鑑斯今無以良觴其民寸陰

岳忠武王像記

張子仁 建安人
儒林郎

嘉定癸未秋初筮豫寧警曹領事已告至於郡祀暨
邗城隍環視繪堵間有魁然容貌儼然冠裳而隅坐
者駭而問焉祝曰是宋故忠武岳王遺像也竦然不
覺板之斂膝之前而首之頓也致恭亟退猶未暇訪
其故也不數日隨煤下里酷訝邑在萬山中壤地頗
狹而生齒極繁因召故老詢之咸舉手加額曰昔在
紹興初叛將李其姓者巢穴我經井溪壑我蓋藏血

武寧縣志

卷之七

二

虛我室廬膏血我骨肉勢方危若累卵造物假手我
忠武岳王躬提師由郢來壓境三十里澗水暴漲叛
衆方需渡謂神兵自天而下倉皇宵遁由是不鳴一
搏不施一鏃而解一邑倒懸垂於指顧之間丕休哉
邇源生齒之繁實王績迓我祖之命於天地也昔之
所活者一夫今不知幾千萬人矣昔之所全者一戶
今不知幾千百戶矣凡斯世斯人各有所謂我生之
祖由禰而上皆是也惟吾土吾曹獨有斯謂生我之
祖王也謂歟噫歎不有我祖孰有我身不有我

之天地也。思斯子孫孫子有心能識有口能言而
無毫髮能報萬分之一也。言既涕零如雨，余時亦
一僦之深，不能禁其悲且泣。因思圖像千載血食一
二回，願下馬伸舒之慕，墮淚叔子之悲，其愛猶深敬
誠至者歟。余自是每持辦香弔英爽，必頽瞻徊，移
時不忍去。復念堂室未正，位貌未尊，擬於竭虔妥靈
之道，未爲稱願。與邦人之特達者，別卜吉土，聳觀瞻
而侈崇奉，僉言城隍吾土之司命，而至吾人之司命。

也。朝夕起敬於斯，歲時與享於斯，非但祖之而已。直
所以神之也。且其靈與神等矣。謹勿以區區愛慕助
之，祇加葺飾，少寓勤恪，其爲敬若嚴君事者，上壽之
宜。三歲則猶一日，滿秩受代，復走羣祀，款謝東歸，獨
於篝火倍切，依戀邦人，因爲述厥事，以記諸壁。蘇敦
以道行解，遂取曩之所得於故老者，筆之，且臚爲之。
說曰：天未厭宋王粟忠肝義膽，以筆天未忘胡主祀。
懷氣赤心而死，天平天平豐其才矣。使不盡其用，夫
六任矣。使不狹其成，雖有九廟之耻，立談可覆，何損

一邑之難雖河北三有州版圖不崇朝而復何
於悠歲月尚守江南數十道之疆域哉竊謂王之必
日之麗天也茲邑所觀者特容光之照耳王之澤水
之行地也茲邑之所被者特始達之泉耳矧成績之
能合璧太常芻言徒以為贅豐功之報宜侑清廟聖
祀反以為瀆文成亟示邦人之者宿者咸曰雖不中
不遠矣願相與大書深刻之丙戌歲

王清萬壽宮記

楊恢 待制

豫章之西地號脩水邑為武寧最山川勝處西北為

武寧縣志 卷之七

四

尤勝幕阜九宮綿亘二山秀出雲表蓋吳楚相入處
也九宮故瑞慶宮在東而下九十里曰鍾鼎山上圓
坑下廣倨尊壯盤鬱名與實對靈巖翠瀑中有平亭
可菽可秔躡屐者相傳為小洞天往時道士趙道
與其徒結茅種藥經今百年或蟬蛻而仙或採芝而
隱丹田寶鼎易寒暑不變而深得吐納之妙者紹興
間庵名冲和僅僅戶賦登載版籍粵有瑞慶宮道士
余大狂去郢之京山萬歲觀嘉熙丙申韃戎侵軼
身于戈抱御誓艱達於脩水大狂之居

其人嘉其言相與謀曰茲爾冲和繼者必歸於真况
取不足以副鄉邑祈禱則御書宜與此山發幽光彼
生冠羽衣去鋒警噉嚇而郛林壑之安亦此山之緣
也大狴竟以公舉爲冲和留與仆植僵神人歡附則
喟然曰莫枕於斯不啻足矣宸章奎畫鬱藏山藪顧
未有以表崇敬之實或謂武寧舊有玉清萬壽宮廢
隳已久祇存空名以御書故揭玉清易冲和於事稱
博諏羣言厥議允合值連帥尚書吳公兼漕事邑令
從民以請臺府竟弗之違夫玉清無故址無阡陌所

武寧縣志

卷之七

五

存唯宣和間勅宣道士朱德英住持之文猶爲好事
者實之山川炳靈弗能終秘予頃由西郢出峽顧巫
陽山川竊自以爲勝隨牒東南歷沅湘闕吳越在在
登臨幻若天巧乃知山一絕佳處百巫峽不啻也戊
戌天子命開藩南服因得分漁樵半席於水天一色
之境已亥蒙恩畀竊閑與道家者流談黃老脩真之
術道士桂希卜珥前致其師大狴請曰由郢而來
囊鉢無有唯先朝瓌墨與俱今移玉清以稱安奉非
視此夸也昔先皇帝親灑宸翰大書特書長森萬歲

之觀并尚方所製錦幡六首用此隆賜旗煙赫烈湯
厥以奔不爾已爲劫火空矣願求記文紀顯末以詔
於後也因諗之曰御書弗厄於郢之矣翼大狂和敬
君也玉清久廢而不湮山川之靈有待也冲和由庵
而宮昔陋今侈學道得仙者由此顯也夫物之廢興
有時人之植立有待偶然機會之相遭而卒至於相
成若有定數符券者此其欲書傳歟大德從老子教
能不忘夫君已而又能慰其親於耄年經清之際敬
其師黃元瑞如其親焉可謂賢也希理汲汲求不負

武寧縣志

卷之七

六

其師之志是亦賢於其徒者予故書玉清之篇併叙
其事俾刻諸石大狂由郢復德安焚修任劇諧賜宏
教大師旌其勞也時淳祐改元歲次辛丑十一月望
日記

柳貞公祠記

章

鑑

字公秉
人右丞相

此唐柳貞公讀書之所也山以公讀書遂姓其姓地
以人重也後人卽其地以祠之所以明其敬且示勸
或曰山顛水涯矻矻窮年者多能以莊著者鮮姓著
夫能與地俱著者鮮姓與地俱著矣能連千百世

不然而冠而士者皆讀書者也往往名不副實行不勝文巧者鈎爵位僞者盜時名懷奸挾智者至於誤天下後世遂使世之好事者例以書生而不適用然則豈書之罪哉不知所以讀書者之罪也居則忝其鄉仕則羞其國視公之於此山其輕重何如哉方公十餘歲有妖巫怖以生死弗爲動曰去聖教而從異術吾有速死爾是其爲學本領已於童稚時見之旣第進士歷衢州司馬遽棄官去隱此山讀書公豈自

武寧縣志

卷之七

七

潔其身者與柳隱居以求其志與否則從政而後學與公之出處固衆人所不識也聘幣可卻而御史之名則聞王命而不敢辭愛子可捐而相卹之追則憤逆命而不宥屈王衍誤天下殷浩誤中軍則止辭正色以折大臣授任之輕五帝無詰誓三王無盟詛則高見卓識足以破番戎講和之詐頭可斷而舌不可禁則剛風勁節足以奪當朝恃勢固寵者之氣祿仕而家無一塵之士位望逾峻而宅無一畝之宮

新行占其山學則何也公之讀書此山口耳云

乎哉公家於汝仕於衢於此山亦有里社之舊父平
日轍跡所不到其委官而來獨眷眷焉不復他適山
何以得此於公哉山爲豫章鉅鎮卓然崛起萬山間
其端重類君子其秀雅類處士大夫其幽閑靚深類
隱者其萃律嶢絕類剛操特立之士脩水如帶遶其
趾諸峰四面環匝如翼如樞距山之巔可百丈有巖
巖有二室檻楹之跡儼然泉流巖竇清可燭毛髮巖
而下不數百丈則公讀書所也巖有祠堂其旁石井
一號貞公井山以姓井以謚山何以得此於公哉里

武寧縣志

卷之七

八

人陳氏世居山之下族多讀書者高山景行所以致
其惓惓者先後靡二志初祠厄於紹興劫燼柳隱君
功顯一新之旦闢講肄之所曰柳山書堂若曰此山
公讀書所也以公讀書此山而祠矣於是聘望儒合
宗戚閭里之子弟相砥礪其間相去數百載使後學
聞風而興者公之賜也又不獨此山蒙被而已開慶
兵變祠復燬已而水嚙故址松谷君憮然念祠書不
可廢亟倚巖以葺綿蕪以寓其敬然弗稱也繼即公
讀書之地曰公讀書之堂中爲讀書室盧門庶

亦既具備祠以春秋仲丁所以崇先哲成志也又以
林谷幽間有祠矣不可無守有守矣不可無固守者
之志適瑞慶羽士余惟鈴來任守事乃於祠之偏啓
數椽以棲其徒觀曰真慶奉武當神也里民之祈禱
者從之與公之祠截然有別而不紊亦曰彼有以自
立則吾之所資以守者爲可久而祠庶無恙矣噫公
於此山一何厚而松谷於公亦何勤哉旣落成則述
建祠本末迺載公行槩大事求爲之記余因念兒時
聞先生長者言山以公讀書得名深雅慕之年十五

武寧縣志

卷之七

九

隨舉子後舟行遠望一峰玉立雲表間則柳山也亟
欲窮山之竒觀訪公之遺跡若有繫其足者今老矣
尚嗇一徃抑今之居於斯者猶昔之寓於斯者嘗矣
斯者若而人則居於斯者可不若而人耶此祠之所
以建也祠於斯必學於斯而祠不徒建也此前乎柳
隱後乎松谷之所以切切也此後之人當家傳世守
而不替焉可也雖然祠非儀文之末書非言語之末
之贅拜其祠讀其書是又在家傳世守者躬體而實
踐之也松谷字時章鄉以善士稱鄉黨其父云德

武寧縣志

洪翠亭記

白玉蟾 廣東人

新霽散吏携琴過三川道經武城雙鳧凌烟一龍披
 丹竇大江之東撫劍而長呼頽天而大嘯因曰環武
 城者皆山也蒼崖翠壑青松白石寒猿叫樹古澗生
 風斷崖千尺翼然如舞天之鶴婉然如入天之龍者
 柳山也白蘋紅蓼紫竹蒼沙魚浮碧波鷗臥素月琉
 璃萬頃舳舻千梭窈然如霞姬之波湛然如湘娥之
 殺者脩江也山之下而江江之上而亭亭曰湧翠蓋

武寧縣志

卷之七

十

取東坡山爲翠浪湧之意也觀其風物披其景象飛
 鞏際天倒影蘸水天光水色上下如鏡煙柳雲樹高
 低如幕綠窻漏蟾朱簷咬雨華椽躍鳳鱗瓦鋪鴛四
 榻無塵一閒如畫玉欄截勝銀海凝清鷗鷺不驚龜
 魚自樂亭外物也適其酒量任其詩懷亭中人也若
 夫風開柳眼露浥桃腮黃鸝呼春青鳥送雨海棠嫩
 紫芍藥嬌紅宜其春也碧荷鑄錢綠陰繅絲龍孫耽
 堯鳩婦喚晴雨釀黃梅日蒸綠李宜其夏也槐陰未
 可鴈信初來秋英無言曉露欲結蓐衣避麝香女

宜其秋也桂子風高蘆花月老溪毛碧淺山
翠下崖見梅一雪欲臘宜其冬也至於朝陽東果
山青紅夕鳥南飛羣水紫翠桐花落盡栢子燒殘
中日長靜裏天大漁舟唱晚牧笛驚霞有時而琴
中猿咽指下泉悲有時而棋剝啄玉聲縱橫星點
有時而書春蛇入草暮鴈歸蘆有時而畫溪山改
觀草木生春以此清興以此幽景收入酒生涯擁
歸詩世界蓋有得於斯亭而不知其身世矣時名
公鉅儒鱗

昂壘副騷梭如櫛峻韻如霜前者唱後者和長篇今

武寧縣志

卷之七

十一

短篇古亦莫能窮其趣也第見山光浩蕩江勢澎湃
螢燈萬點禽簧一聲飛青舞碧凝紫流蒼漁歌斷處
白芷浮天帆影落時綠蕪漲岸孤蒲瀟瑟舟楫往來
一日桐城譚元振上清黃日新與予抱琴憩於亭上
風吹鶴映人訝水仙縈薄數篇醜醜幾盡援筆不思
聊述山水風月之滋味以爲之記亭之主人曰然予
觴咏明月中追思世事如電沫人生如雲萍蓬萊在
何處黃鶴杳不來抱琴樓劍因雨起舞於亭之上

元

武寧縣儒學記

范

江人編

武寧爲龍興西南壯邑山刻而水駛故其民多秀茂以學行著於代者不乏人國朝嘗設寧州以隸之而兼分寧縣後又以分寧爲州而武寧仍爲龍興屬縣學宮據脩水之上直縣廨東南始縣隸州而學隨州州廢而復隨縣棟宇榱桷歷載旣久風摧雨浥坐漏日星於祀事至不嚴也居有弗寧過有弗念凡如是者匪制於用則拘於謀假一有志者爲之亦何事之不立哉至治二年夏余被檄過焉謁先聖廟庭退而不

武寧縣志

卷之七

十一

縱觀升堂欹欹坐甫定文學掾夏侯士璋作而曰余幸叨茲椽而不幸學計單薄乃有廢弊不能興補若茲所覩者敢以爲告余用書曰斯非所謂有志而無拘制者與以語縣長令皆曰是吾職也時有没入官舫廿餘艘白諸憲司畀之於是允儒與有力者走趨相事將興廢會有土功之令踰年禁弛士璋去雋大有繼之而後令之來者益勤無懈至治三年二月經始奏定元年十月訖上禮殿門廡講堂書閣歸然一新祀事嚴矣余又適至學者撫本末請記於石余嘉

文學棟之有志今之能思其職也學校所以明人倫聖人人倫之至而今而後邑之士子有游有居是養是教思先王之道志所至而學亦至舜何令予何人有爲者狂作聖矣是其成也將不有如今日之興廢補弊者乎顧因諸君之善以爲士子規且以見君子之於天下苟有志無所不立也前令李洪濤後令呂天倪始終是役者臨縣史刺馬丹後三年四月朔

書學記後

陳士雅 廬陵人

武寧縣志

卷之七

七

右武寧縣重修廟學記一首前史官清江范楫撰臨川太守雒陽楊益書記作於泰定甲子距今二十有六年尚弗克立石今文學椽豫章葉天錫曰學再弊矣余且復葺而舊碑不刻曷以示勸耶乞其費於邑士朱玉白諸監令實始刻之夫修學顯功也范記楊書又一時之選非葉朱二君之力則皆湮沒而無傳是可尚也矣若今之役及其成功必得鉅筆如范楊者爲記當與此石同不朽也至正己丑六月初吉識

三山堂記

鄧以忠 邑人 台

延祐甲寅予復爲蓋山龍興寺作記云志願經

請曰惠聰去此山三里而近其師同其事同敢請願
牽聯得書予曰予與子業殊而行異儒者而言釋一
之爲甚可再乎惠聰請不置予曰某有聞焉一佛出
世各坐一槃各闡一法子之燃燈之爲法也不崇旃
檀不侈貌像不敬伊蒲桑林饌一切莊嚴爲佛事者
盡辟之唯以寂簡無欲法門優婆塞教禮佛名故高
制諸魔獨貴也今子之言曰吾堂營於劉父大廓於
思齊始於庚申燬而重構殿以崇佛堂以居神東西

武寧縣志

卷之七

十四

步欄內外重闌雲臺對峙井亭外翼淨几華屋金碧
爭輝迄於丙申三十七年而後成二公歸寂舒惠隆
王惠聰王仁福繼之又各置其飾山林田園增廣以
生以育而無不足焉苟美矣吾懼其經營愈勞而本
心愈蝕設飾愈事而精神愈荒其與而師寂簡無欲
之肯不亦遠乎惠聰無以答則曰堂之設上以祝聖
壽下以應祈禱固不得不若是謀也予亦無以詰則
語之曰斯亦仁之事也予之師苟謂仁者天地萬物
爲一體而摩頂放踵爲之則過矣吾欲予以分殊之

而不可得也則亦姑以寂簡無欲者明乎而已
然子而能一爾心息爾形以致靈於佛祝天道之久
長相生人之壽康則亦志於仁者也誠使驅厲鬼於
山右攘秕稻於四郊韓柳嘗欲之誰獨不欲乎且雲
石先生爲之書其門矣雲石佛者也他日倘從容請
焉以廣其說其庶幾乎惠聰曰請筆之以昭示後世
紀其源流派遠燈以世傳捐地與佛者劉文舉劉思
賢前後凡六畝延祐元年良月望日記

明

武寧縣志

卷之七

十五

武寧縣儒學記

江振

江山人武寧訓導

國朝既混一四海乃洪武二年春詔州縣興學且監
前代虛文之弊嚴立教條限以歲月務底成效於是
天下風動凡有民社之責者莫不知興學而人亦莫
不知務學矣南昌之武寧學其地在脩江之上游去
縣治東三十步舊學燬於元季洪武五年冬知縣馬
植始作大成殿翼以兩廡衛以戟門以達櫺星門其
後仍作明倫堂并日新時習二齋以及井竈厨殿前
廊櫺星門以蔭之既成仰俯四顧柳山峙其前伊山

倚其後脩水之澄江鶴橋之明月與夫鍾山魯溪諸
峯映帶左右規制精壯氣象宏闊昔無今有莫不嘆
羨以爲昉見廟學之制也是後歷年旣久不能無敝
求樂已丑夏余始至學乃白諸邑之執政者皆曰是
吾職也於是修理殿加文飾而廟貌一新者知縣事
陳公鑄也其廣講堂之規以立題名石者縣丞鄭公
觀至於兩廡之未修齋舍之未葺則又知縣施公大
有縣丞賈公榮主簿樓公楷咸相繼爲之而廟學以
美一日典教李公仲良謂曰廟學重修之本末不可

武寧縣志

卷之七

十六

無述以示將來余乃爲之言曰夫爲士者莫切於務
學而有民社者亦莫先於興學蓋學校興則民不感
於他道詩書禮樂之教可講而明道德性命之蘊可
求而知人皆可志於成德達才之地而後政可成也
武寧令佐前規後隨於立廟興學兼致其力有如弗
替其知此者矣矜佩濟濟朝斯夕斯其有不惕然於
斯者乎士生斯世又幸而際遇國朝崇儒重道之日
所謂千載一時也寧有不激勵而奮起者乎自今而
後繼是而修葺者亦豈無其人乎武寧之俊秀出爲

用是必暴白儒劫以副聖朝作興之美意庶
於學校之修崇矣余因爲之記

重修朝元宮記

楊崇

武寧縣治東距三百步許有老氏之居名朝元宮又
名下清觀其初置巔末無文字可稽或唐或宋未可
知也元季兵燹道流散去國朝正統間縣丞殷君景
廷以每歲遇祝 聖壽旣就縣廳行禮而前期習儀
復於是焉近於不嚴非兩京與他州縣制期得僧舍
進院之闕麗顯敞者爲之邑之人咸謂縣唯朝元爲
武寧縣志

卷之七

十七

近治基宇猶有存者候其植之君乃庶得玉臺觀方
士王凌碧奏給道牒俾任起廢凌碧至遍叩邑之富
室得工材之費若干緡殷君助之若干緡居亡何殷
已物故何君清繼之其志如殷物由是梓人斲工並
手偕作殿廊樓閣次第俱成金碧丹堊煥然一新實
落成於景泰四年正月也一日凌碧介其徒吳新立
徐希仙羽衣翩躚款門乞記嗚呼余不佞而於此則
有可言者天下之事若不必於有而實不可以終無
若少近於損而卒能至於大就者君子固在斯矣

今老氏甕棟跨名山蟠勝地指不勝屈被覆元氣
不必屑屑然矣而朝賀大禮於此行正否則有去
焉土木之興雖不免乎蠹財然而歛之於衆者甚繁
焉而萃以成之者甚鉅焉則夫殷之倡何之和與夫
凌碧之能克厥任不負舉主者固自有可書哉殷君
烏程人何君彰明人其於茲役也挈其領餘如知縣
馬君榮張君臻主簿吳君子謀教諭王君金淵訓導
李君泉卜君溥義民徐仲器氏皆嘗有力焉故併記
之時景泰五年歲舍甲戌秋七月上澣記

武寧縣志

卷之七

七

新邦社學記

李

齡潮陽人江西
提學僉事

皇上嗣位初元慮天下未臻於治良由學校未興不
得真才之用特建憲臣慎簡賢良俾專提督之任行
之既久致有成績景泰中以言者革去其職學校漸
弛乃天順六年仍復其制又勅天下郡邑每鄉每里
咸建社學選擇碩儒以教民間子弟甚盛典也黔以
菲才叨承重寄受命而來夙夜祇懼惟恐有負故在
道歷所至卽命有司首舉其事而所屬官僚罔不

協力綜理其役而武

知縣余希賢

九九所而庶民小子若不翁然而就學矣教諭率循
良輩後磐石請記其事於學官粵稽唐虞三代所以
比屋有可封之俗人人有士君子之行者豈以天之
生人獨厚於古而薄於今耶蓋以教之之法盡其道
也人生八歲遣入小學教以幼儀十三學樂誦詩十
五入大學教以誠意正心之道脩己治人之術有詩
以感發其善心有禮以約束其筋骸有樂以涵養其
性情故自幼及長終潛之心無自而入而賦予之良
得以恒存而不喪伊川所謂古人生子自能食能言

武寧縣志

卷之七

九

而教之君爲之不豫及乎稍長私意偏好生於內象
曰辯言鏗於外欲其純完不可得者此也降自漢唐
禮樂廢壞學政不脩而士之所學不過專事訓誥務
爲文辭以徼利達而已而古人之良法美意蕩然矣
欲人之成材而風俗之淳美也不亦難乎我朝龍興
簡古爲治外而天下郡邑旣建學立師以教兆民之
俊秀內而京師又立胄監以煦陶其成列聖嗣興丕
揚休烈教已至矣化已行矣而皇上猶惓惓特立社
學以爲大學之張本使天下之人自童稚之時無不

何暇爾念邪獄訟之讎訊愈毛舉而愈凌那何暇
念邪則夫困苦日益不堪而垂憐日益不反者勢使
然耳武寧舊有養濟院北距縣治五百步許成化乙
酉前尹余希賢建也潤鄉來蒞茲邑政稱甚理養濟
一事猶加之意甫二載上下交信始慨舊院傾圮權
宜措置募力鳩工坑坎畚之使平瓦甃輦之使足材
木斧而梓之務堅勁可歷歲時據繚垣之故址高築
一尋垣之西傍路總設一門垣中則方如畫橫限四
重凡重則屋六間也規模完廓倍蓰昔日其外則整
武寧縣志

卷之七

五

齊如官寺然其內則布列如學舍然斂不擾鄉役不
擾農不崇祀而土木告成實今年之孟秋戊寅也頃
之數十輩偃僕者瘡痍者聾瞽者喁喁歡呼交相賀
曰迄今已往吾與若等無憂矣於是男婦咸配者得
二重也其他養濟之需計月給米若干歲給布若干
曰潤鄉下車以來悉遵定制行之而食已飽衣可
惟室廬足以容而風雨無虞又自此始啼號之聲
不聞於郊野矣至巨室則晝無丐人夜無丐輩亦不
不陰受其賜焉馮尹之惠何溥也嗚呼此

身之志苟存以於愛物於人必有所濟况不爲
會者乎是惟無所存耳其所濟也何有焉馮尹克此
心以往當中上考躋重位異日必復政有可記也秉
筆以俟成化甲辰仲冬庚戌記

遷學記

夏 寅

字正夫華亭人提學副使

成化六年春三月予行試諸生至於武寧視學宮隘
陋與治密邇胥卒囂囂氣數之染習甚非所以興化
育材也謀於知縣黃雋思得爽塏者更之雋與諸生
方聰輩咸曰此去縣可一里有官地一區惟公圖之

武寧縣志

卷之七

三

予卽率諸生往視基蔭而廣勢端而直諸山前列如
案後擁如壁左右顧瞻形勝十倍詢諸陰陽家亦無
不稱善者遂命雋請於朝值年之不登雋亦以憂去
事遂不果越四歲之冬是爲成化甲午予再至武寧
諸生雖以科久乏人自奮然終以學舍不稱爲憂予
亦以有司拘於繩尺展轉事不就緒召邑中義官徐
翰輩風使倡義改遷礪卽捐白金百餘兩其餘多募
有差市民張文獻以近傍地十餘畝增克學基而徐
礪仍日往督工諸生家悉出丁男供役既竣礪

平巨燧井列憶 擢羅兵後無志可攷疑其爲異時
廟神祠也豈天 回秘之以待學之興乎於是存叔文
廟明倫堂以次 戟門兩廡齋舍之類越明年冬落成
爲成化乙未諸 生徐縉張天仁輩喜於學成來請記
予因語兩生曰 吾子知學之所以成乎中庸不曰知
仁勇天下之達 德也所以行之者一也始學之宜遷
也知此理者宜 之體此理者宜之柰何閣於有司之
尋常奪於衆人 之是非不勇以強之而尚待區區文
後之相覈關節 之相臨學何時而成乎吾子之爲學
武寧縣志

卷之七

二十三

正猶是也科目 之遼然功業之樛然此非知仁不及
也患在勇之不 決耳吾子歸語諸徒而思之學之道
在其中矣二子 前拜曰受教因書爲記而凡有司
併助義者之名 氏皆列於後成化十三年春正月吉
日撰

善雨亭記

吳拙翁

武寧邑公堂之後 亭以善雨名者何前宰踵坡翁而
作也所以踵坡 翁何思與民同樂也亭旣廢而後興
諸君之志所以 善

武寧縣志
卷之七
五
美孰有大於久旱而喜雨者乎因雨而喜者
無難能與民同樂繼美昔賢如監邑盛公之所以
者乎蒞治之初旱彌月矣顧瞻惕然謀於二令曰判
簿蔡君旣以王事遠役致禱之誠余與君所當竭盡
者也迺步自城陰得亭址於榛莽間復作而曰安得
徵惠天澤相與樂公是乎期以詰且叩龍湫於縣北
之伊山其夕甘雨如江及明而足時七月二十七日
也旣而稿者以興憂者以喜歌於市作於野誠有如
蘓記所云其形諸里詠有曰隨車化雨宜公來旱即

武寧縣志

卷之七

五

雨之句此其徵也視前宰之禱而應應而喜者不尤
美乎於是作亭於故址以志其喜旣成邑之父老屬
愚述其本末愚故謂喜一也因雨而喜固與他之可
喜者殊兩一喜也喜而與民同之又與常情之獨樂
有異此亭之所以乍於前而踵於後也雖然莫爲於
前信美而弗彰爲於後弗能繼其美前宰能以披
勃之心爲心今盛公復能以前宰之心爲心異世同
符勝槩如昨斯亭之作蓋有關於吾民也歟後之登
斯亭者當念夫盛公所以爲民之心毋視此爲休息

此亭之有託也。武寧文郁字從周號東民歸
德人也。德政之惠民而可喜者，又不止此。將與斯亭
傳於不朽云。時歲丁未良月初吉記。

重建喜雨亭記

楊崇

字尚賢豐城人永州知府

自桑林得澍之後，凡有一念之誠者，皆可以格山川
之靈而慰雲霓之望，不獨剪髮斷爪身嬰白茅而後
能也。武寧縣尹嘗作喜雨亭於玉枕山之上，始之者
但君元行，繼之君盛，君文郁。歲月侵尋，茲事歇滅，何
之翼然臨乎其上者，固已鞠爲茂草矣。成化癸卯夏

武寧縣志

卷之七

十五

五月不雨，民方有無禾之憂。縣尹馮公率二令趙君
判簿盧君等齋宿外舍，厥明禱焉。其雨如注，四境沛
足。歲有秋，越明年甲辰夏四月不雨，公率僚屬禱焉。
應期如雨，如癸卯。又明年乙巳夏五月不雨，公禱焉。
而應如甲辰。於是闔邑之民相與謀曰：「旣饗滿篝汗
而滿車，候之賜也。昔者有亭以志雨，今者屢雨而無
亭，吾儕小人可食其實而忘其根乎？」乃相率復亭於
故址，以昭候貺。既而張信石璞不遠隣封，乞記於余。
刻之亭中，余聞馮公下車之初，嘗祈山川社稷之

灑故今深山老叻黃口紫子紀公禱雨之數應也
田自壇新而吾邑無旱以此觀之則公之惠在人心
寧之記在人口烏用文之而後爲記哉且喜雨名亭
蘓東坡之治扶風實創其始蘓公奇才逸筆後自爲
記至今膾炙人口余也何能爲役然幸而解官林下
方將與耕夫耨叟春祈秋報於枌榆之社俾之執鋤
槩以紀憫農之賢尹雖荒落其何辭竊謂世之爲守
令者當水旱之來例以天時藉口不知冤孝婦而利
弘羊皆有以召之甚者醺醲飽鮮漠不加意其視公

武寧縣志

卷之七

二十六

何如哉春秋僖公三年書六月雨傳曰雨云者喜雨
也公於三歲之雨喜固無出於此而民之喜果有旣
等則斯亭之復皆有合於春秋之大義豈無謂哉雖
然旱而雩此禦災之常道故周禮謂國大旱則雩
春秋昭公二十五年書上辛大雩季辛又雩則已
矣蓋必在我有彌變之實而後可否則區區於禱祠
之末年公屢禱而應是必有所以禱者在焉庸書其
文以告來者其毋泥公名琦字潤鄉浙之鄞縣人

嘉慶二十一年冬十月既望撰

柳山書院記

一人一經歷之地山空水靜踪跡遠遶而好古之流
往往尋其影響而表章之必其人固自有不可磨滅
者若唐柳貞公之於武寧是已方公之棄官而入山
被召而出山一山之過客耳而後之人獨景仰焉卽
其栖息鈎游以寄其遐思者豈不以公之立朝嘗折
宰相之輕任公之籌邊嘗知吐蕃之劫盟隱也無捷
徑之心仕也無持祿之計與不然何一朝之值而遺
千載之勝哉柳山舊因公而建祠作書院者凡幾廢

武寧縣志

卷之七

二十七

興矣成化乙巳歲予因循阡之故過而訪焉唯老氏
之徒屋於故墟之上顧其侈有古碑則宋相章杭山
所作公祠堂記也記之中所謂營數椽栖羽流以任
守事者則屋宇其上者也嗚呼是豈建置之初意哉
若古之強大諸侯然其初本以藩其衛王室也及其
後也板蕩而不救又其後也併其大寶鎮而遷之焉
是豈建置之初意哉明年丙午春先徙老氏之居於
其舊而新之以書院者凡若干楹且將聘師儒以講
學其中并祀公焉夫有道濟時固士君子分內事而

名位則當付之於儻來苟或出焉而難於入與夫不足以為出則亦何所不至哉方公之棄衢州司馬也灑然聲利之外而頽然咕嗶之中及赴御史之徵也守愈堅位愈隆卓卓自著為有唐名臣其與捷徑持祿者不有異乎士而恒存乎是心則坎止流行何不可哉雖然由此而進步用則行舍則藏又自有孔氏之家法在是院之作不於民其費也不書而所書者將以諗夫講學與任守是者也公名惲字惟深姓柳氏仕終銀青光祿大夫同中書平章事卒謚貞其先

武寧縣志

卷之七

二十八

河東人後家於汝山名柳從公姓也成化二十二年

三月記

重修儒學記

鍾

晟

當塗人江西提學副使

武寧學宮於成化乙未歲前提學副使夏公正夫之謀始遷於縣治西延恩利之故址即今學宮是也前拱柳山狀如卓筆週迤一水宿名腰帶蓋山川鍾靈於是乎在矣然草創之初貨力不贍戟門仍當日之舊櫺星門以木為之未幾木者戾戾不屬舊者楹

相離傾欹仆墜爰以採木狀頽辭扶蓋櫺星之制

不施上覆而淋日炙就地因宜至於殿前
之覆亦勢使然耳咸化辛丑知縣馮琦來爲是邑
置書學宇而嘆曰何內之巍然外之頽然表裏弗稱
過者不肅則有司存焉時方初政未遑越一載益以
奉謬以革險者息梗者帖遂出公橐斥其舊而新之
戟門以木櫺星以石宏敞壯固倍蓰於昔他如文廟
之瓦解者鱗次之繚垣之主崩者版築之以二訓導
之舍於學外而升堂未便也相兩齋之後而遷入之
學則又綜理周密先是予按試至邑材役之費亦稍

武寧縣志

卷之七

爲之權輿付邑民李本俊萬守椿董之教諭應元徵
網維之得琦而後大有所爲克底於成焉旣成學之
師生輩咸請有以紀歲月予因爲之言曰惟此山川
鍾此人物惟此人物位此山川何至有豐於前而畜
於後者哉武寧爲豫章屬邑考之於前不可謂無人
矣青衿之子視今日如何興學者之意蓋有在矣夫
學宮外焉而不稱其內必改爲之借使不足改爲內
則所以改爲之者當何如也哉剋潤袖外之堂堂則
元朝而披基而顯以與昔以相稽對簡編間者思有

稱夫是也苟有以稱夫是則率天伯所謂天下
則譚禮樂以陶吾民與夫爲臣忠爲子孝者有不難
矣何區區科目尚慮其不逮前時哉否則不媿昔之
山川人物獨不負汝尹與予輩之望乎用是以激諸
生且書其歲月口是役也經始於成化壬寅八月告
成於癸卯二月其費總若干縉琦字潤鄉浙之鄞縣
人發身於賢科其於武寧也實江右之良牧時成化
二十年甲辰歲二月朔記

文明閣記

邵

寶

號三泉無錫人
江西提學副使

武寧縣志

卷之七

三

弘治乙丑四月既望寶行視武寧之學祇謁先聖
禮畢退攝講座以臨諸生旣而觀於堂北有新閣焉
毛尹駮請登之凡邑南諸峯皆列前楹若環拱而獻
秀者反顧其後則有岡焉新築也有林焉新植也與
閣相映寶顧駮曰佳矣哉故有是乎駮曰此民之池
也日南昌守祝候行縣至於斯見而陋之因謀塞之
而爲斯閣以居其上凡斯閣之建則候之功也閣既
成岡與林次第以就此則駮所以終吾侯之事者孰
如學之宗也駮也方將告而適臨焉敢拜斯言之重

明日駢盤教諭洪世傳率諸生陳
南昌之勤實乃進諸生而告曰孔門
喻汝嘗聞之矣蓋堂以升之室以入之
類焉在然則凡爲居者有堂焉必繼之
以室堂而無室則於制未備而况於學
故有升入之義者乎今
閣之基其在學分宜爲室弗室而池
君子曰涉於是乎基焉去濇而平實
矣君子曰猶卑於是乎重屋焉去卑
而高明矣君子曰猶虛於是乎罔焉
以爲敦厚君子曰猶踈於是乎林焉
以爲邃密蓋有堂室之選

武寧縣志

卷之七

三十一

制也諸生升堂之餘而室是入平實以質之高明以
達之敦厚以成之邃密以終之遠有所見而近無遺
觀極於外而詳於中其爲學之備也豈特制焉已哉
且學爲郡邑六事之首夫人知之而或以爲緩卽有
務者侈於門墻是矣而孰能備夫堂室之制如是况
武寧僻處山谷幾爲歲而部使一至南昌之留意於
此毛尹遂焉詩曰衣錦尚綱斯其近之矣諸生之於
學也又當自是而始由是而堂而室學大有成居爲
士起爲名卿大夫稱武寧之才則

嘉靖元年壬午正月... 武寧縣志

武寧縣志

卷之七

三十三

生員陳琅沈朝卿來問記予以學校之設雖自朝廷而作興士類求直才以濟世用則在良有司若陸君

重修文廟記

黃一鵬

本縣知縣

武寧孔子廟自馬植始作迄於今百九十餘年瓦二... 黃一鵬曰贊等請修之一鵬曰藏空財置時請舉聖

有原地可資修葺

得金約有餘兩遂請於上咸以根本之地爲不可
獲鵬乃召義士盛溫經潘何董其事卜日動工卽
以圖新制一鵬後蠲薄俸以益之又不足乃請於
撫動支工債五十四兩有奇以爲餽廩塗墍之費
廟高增二尺廣增五尺經始於嘉靖甲寅十一月乙
丑告成於乙卯九月戊午允用公錢三百七十兩有
奇俸錢四十兩有奇藉民之力而不藉其財故民和
於會而不厭其數也廟成諸士乞言紀其事一鵬曰

武寧縣誌

卷之七

三十四

夫爲政以正風俗得賢才爲本文廟者賢才之所關
也寧士固以遠大是務而尤憐憐以廟制弗隸爲憂
於此不用其誠其謂政何雖然廟之弗稱有司之責
之道之弗弘諸士之責也乃吾觀於寧也群山環拱
潯江襟帶山川莫勝於此矣鷺湖辨是鹿洞傳經理
學莫源於此矣迺今制恢其舊材致其良風會聿新
文且煥是故財無大小適用爲良顧所以養何如
爲諸生者經史以養其目和樂以養其心庶耻以
爲辭賦以養其性情又豈有不中才之足患哉

道落成潘子儵以歲貢魁北畿鄉試卜吉允減賦
光矣敢預爲諸士賀是舉也潘何助木爲楹盛
鑿田以陶不但程能課功之力已矣陳君暨諸
曰請勒諸貞珉以俟繼自今之有作者

重脩看鶴橋記

杜玉樹

邑人舉人
高州通判

橋以濟險民不病涉王政所關匪細也故古者寸一
月成徒杠十二月成輿梁政爲此耳武寧縣治南三
十步有腰帶水實跨縣治居民之中其源出神童諸
山其流入脩江其支流一橋曰看鶴橋稽誌元時建

武寧縣誌

卷之七

三十五

有鶴隱觀在其西岸故以此名橋建於前代至我朝
圮葺相因用脩以鹵報壞以速嘉靖紀元壬午遊僧
復募橋民皆稱便越癸未六月後爲妖蜚所毀縣士
鄭尚華有見於此捐資鳩工鑿石爲橋構木爲亭亭
之兩端爲橋額制甚縝密履險若夷行旅無阻滯之
虞商賈得貿易之所趨事赴公者無遲悞之慮橋之
東有孟家灣者雨雪泥滑行者甚苦鄭君以復於橋
而不便於路惠於此而不惠於彼此心未慳也夫又
砌之以石脩路五石夾周道細造是

嘉靖大稱伊尹維時縣尹陸公浚蓮幕王公
不勞吾民而能濟吾民皆大嘉賞儒學掌教
訓宋公檄莫公琛亦皆贊美馮子為記以紀
惟先王之時田有經界里有聯比澤有陂障川
舟樑道有列樹不令者法毋赦所以廣惠於天下
今鄭以一介士乃能不勞於公不煩於衆數月成其
濟人利物之事以廣惠無窮非其才智之優好善之
篤用心之厚乃能如是耶吾聞為善者天報以福
昌厥後鄭之食報昌後也兆於是乎故記以為後之

武寧縣志

卷之七

三十六

善者勸

保寧樓記

張 襄

江西泰政

嘉靖辛丑秋上海唐君世惠以國學典簿擢知武寧
武寧環山以為縣壤接楚尾民多沈穡時為發為盜
君至憂之思所以為保安計而城故築自唐縣公
運殊廢久元至正間賊大肆害弘治初復然家
縣毛騷增築之正德間華林馬腦之亂再樓其
南官更皆散徙去君廢得其故笑曰嘗若
保夫安不忘危臣子職守大哉也

至則符籍帑藏欲爲之所也晚矣乃謀構層樓
解後不三月告成邑人創見怵慶且觴而落之斯
也玉枕伊山峙其背白崖柳峯當其陽天馬金鷄
坪鍾鼎拱列左右俯視脩江以達支流委蛇縈帶而
四時景狀雲蒸霏靄勝斯萃焉幸方際昇平挾僚佐
招文學以時觀遊節勞佚唐君顧獨爲身謀其期與
嗣爲邑者圖惟求爾卽使符籍帑藏將於是歸庶幾
上下相賴有以相保詩云君子所依小人所躐斯樓
之謂矣遂名之曰保寧識者題之君乃述其事走書

武寧縣誌

卷之七

三十七

爲予記惟世之有司率多以所寓者傳舍閣一葺治
不過粉飾苟安而鮮克加意於民若是矧斯樓之作
有城之倘無城之費其創制之善不徒誇示壯麗而
圖太貽遠之意蓋實有之用是民亦倡義脩四門而
防禦益嚴豈保寧之說固足感動人邪宋溫陵曰晉
夫令茲邑嘗作東軒黃太史庭堅爲銘所以賢晉夫
之勤民者至今以爲紀實今唐君作樓之意又非東
軒擬也故僭爲之序以備觀風者采

敬一亭并名宦鄉賢祠記

潘

枕

在武寧有敬一亭在縣治東隅名宦鄉賢兩祠在
橋星門外荒穢弗嚴歲癸卯嘉善任君藻來任三
教行信學士習丕變慨然以改遷爲已任乃謀諸
平謝君詔司訓徐君士英庠生石渠潘儁輩請於文
示蔡公克廉遷之學之左隅卽縣右吏僻空地也
恒靚深視昔有加亭翼於前祠附於後華以丹雘
以垣屏捐俸以給材庸肇勒御製敬一箴及所訓程
氏范氏四箴於亭爰稽諮乘獻得宦於茲而有聲者
范公建殊而下凡九人產於茲而最賢者葉公額言

武寧縣誌

卷之七

三十八

而下凡四人設立祀於祠旣又訪求德業相埒克配
前脩請於上而繼祀者得名宦但君元行盛君文郁
殷君景暹毛君騏沈君秀鄉賢韋公熙陳公銘張公
天仁萬公廷彩羅公通凡十人且新其門於亭之前
扁曰聖製於明倫堂之左扁曰集賢他如廟廡堂齋
次第改飾九月二十一日工告成適任君遷秩河南
仁和朱君璣來代清流管君文輔亦後先而至偕徐
君及諸生相顧嘆曰是舉也有司之責任君克生之
足嘉也乃爲槐紀其事於石仰惟敬一之箴四箴之

論聖天子善天下之心學也鄉賢名宦有祠和
宗勵天下之風教也歟惟重哉而亭與祠之設顧弗
得其所豈善體德意而無負人臣之職者耶任君茲
舉誠知所重矣使後之觀感而興起者由敬一五箴
以遡堯舜孔孟之傳由范葉諸公以希伊傅周召之
盛則爲碩輔爲名儒忠臣義士俾人紀有所賴且有
所法咸任君之賜也否則國家化導之典任君改遷
之意幸矣斯亭也祠也皆虛器也夫何取於徒庸材
植之費也耶嗚呼物之興廢存乎人焉耳任君徃矣

武寧縣誌

卷之七

三十九

嗣茲而後有事於是者因而葺之庶斯亭與祠不朽
而任君之蹟亦不朽也槐也獲因文字以託姓名於
其間其又不喜且幸也耶時嘉靖二十五年九月當
記按本學名宦鄉賢諸生每春秋奔走視幣聞額瞻
木主儼然受祀者名宦止唐范公奉國公楊公元愔
本兒楚公明但公盛公黃公王公陸公應公鄉賢止
葉公周公萬公方公潘公他未之有也載考之縣侯
公東陽崇祀方萬二公記亦曰堂堂國朝培養武
鄉賢廟祀者之階數止四他亦未及也此今歲縣

武寧縣志 卷之七
四十
忽乎哉爰紀序末敢期不朽云

雙節烈記

馮其世 本何庭
僚原記

雙節記者何記一門之內嫂姑共成其節烈也明初
邑之順義鄉有女蔣氏愛貞父存納徐貢陳聘未適
而貢陳故愛貞悲痛乃向粧臺鏡泣之曰女子整容
以相夫也之子死矣誰適爲容裂而破之佩其半以
半殉貢陳殞遂重服居室誓無易志有豪欲撓之持
愈堅捧半鏡相謝云若人起乃相從從若人鏡自縫
不然勿污吾耳也未幾兄蔣貴故遺孤纔二歲嫂陳

六年十九勵志與愛貞俱家最貧而婺日垢面泣血
直以紡織供朝夕貞年至六十七陳年至六十五廢
以節烈終先是貴子稍長而婺訓以義方夕於紡車
機杼之側守熒熒一燈而授書不輟殆天之所以報
此兩女媿者惜乎其未大昌達也然而兩女媿之傳
政有竅在於未昌達者何也九以天下之忠孝廉節
因子若孫昌達而後得傳者非偽亦飾矣此兩節烈
前無所援後無所藉而歷年愈久稱道勿絕以當年
極苦之事爲後人極快之談里耆推重之邑誌編載

武寧縣志

卷之七

四十一

之訓導何庭僚紀其實大尹葉公棣榜其墓巡方穆
使君采輿議而讚以詩是則秉懿之好先後一揆兩
女媿榮矣哉我故曰竅在未昌達也時方重訂縣誌
特於衆善中獨標其事而鐫穆公之詩於左詩曰天
下古今難節烈恰同時地嫂和姑兩人嘗膳如冰冷
一樣旌心伴月孤那管他年勞史筆了明天性莫糊
塗從前爲爾編芳事差勝男兒七尺軀共守孀居六
十春千支甲子已重輪孤燈夜雨頻添寂烈日秋霜

身豈可雙書標烈女各全面目見良人從容誌

夫為在蓬蒿更不泯

武寧縣新築城記

潘 儻 邑人進士

皇明奄旬九有分盡天下郡縣列置城垣朝制也大
江之右府曰南昌率屬八其一曰武寧武寧環山環
接楚尾城自唐築廢久逮我弘治十八年縣侯毛公
築南惟江為險延東而北而西僅二里餘規制粗
備後玩於清平塲場不足恃正德間華林之亂上下
皆徙去嘉靖元年江水啣其址幅隕湮沒無識者憂
之不獲為保安計嘉靖四十一年吳侯思齊奉綸音

武寧縣志

卷之七

四十二

脩治四方郡縣城因白於分守叅政陳公分巡僉事
祝公御史中丞胡公狀下令脩築復難之而吳以轉
官去四十四年葉侯宰吾邑廢政之疵訪民之瘼梳
剔撫摩民既感悅矣一日

顧而嘆曰嘻闕

哉而不城邪脫不虞至則吾士吾民吾符籍帑藏將
奚為之所哉乃同僚佐集父老謀為興作計請於上
成報可民相語曰吾侯廉非後其私圖者又曰吾侯
仁非作無益舍我穡事者各驩然輸金就役期亟成
令徒相方視址卜日而興事焉區畫精

許日夕者試殆庶幾乎說以先民者矣地之卑者高
之阻礙者闢之下陞者起之圜周七有二十丈高一
丈五尺深厚八尺門闥樓臺四水關二皆肇作之無
可圖者若磚石若灰土若竹木塊料工匠等項共計
費一萬一千五百二十兩有奇內取院道紙贖銀三
百一十兩縣措處銀五百八十兩餘皆取舉邑糧家
均丁糧而出焉經始於丙寅八月朔日竟工於丁卯
九月之望日崇墉言言望之截然民社增衛山川改
觀登城之樓者恢恢燿燿驚目快心焉屹乎千里間

一巨鎮矣境內外士女偕來瞻視以爲此無前績也
吁何易哉初民之慘於寇溺於水也若無復有以城
爲念矣孰意爲國憂民思患豫防者有今日乎吾子
若孫苟存視息於城中者寧忘所自哉司訓陳君文
海適至以民不勞而大功成不可無文以垂諸後乃
庠生張機徐瓚潘日章邑文學盛迂贊暨陳瑄張鏡
等因余官楚便道過家索余記之余聞之禮有必隆
不得而殺政有必舉不得而廢若茲城之建是也况

其之養而仁也民素信之又從而歌頌之則上慰

重民之意下垂吾鄉保障之功將靡諸名也
聲不朽豈尋常構築者倫哉顧余之言不足狀斯
姑識其畧俾之人有考焉是役也經營悉侯主之
名祿字子儀楚興國人乙卯年鄉進士贊其事少尹
曠君天榮判簿倪君湜掌史胡君漉也法皆得書

永濟橋記

張元禎 南昌人

武寧山口石橋成縣民特名之曰永濟橋而走南昌
以記橋故名黃婆元至正間里姬之學佛者始
知此橋人不忘之因名也吾謂縣民曰橋當孔道治

武寧縣志

卷之七

四十四

之費有司當務故名實當易然不他名而名以永濟
者金曰橋枕縣下流兩暴溪輒溢溢輒怒怒輒壞
輒輒葺葺輒勞以費橋本以濟吾民願數以厲吾民
而爰自黃姬之躬一壞於景太之癸酉再壞於成化
之乙酉曾不數載至今辛丑又復壞然揆其壞也有
由由在不堅不堅不可以久黃姬之躬第架木飛渡
覆之薪土而已癸酉之壞而葺則易薪土以板板庇
以屋乙酉之葺其壞亦然橋也而薪土以板板方之
薪土差壯然豈能皆久遠而葺也癸酉則一出奉濟

乙酉則一出前令侯之措置募緣雖吾民勞焉
不及措置雖吾民費焉不知然橋以板歲不能不
有算有葦則吾民歲不能不受役而有司歲不能不
有費勞於吾民固不怨費於有司固不鉅然甚矣其
煩不已也今吾馮侯起家賢科來尹吾縣廉能聲焯
焯上下間縣利病無一不究而罷行之願惟此橋欲
堅久之唯石匪石則糜則勸民實無已時然石費浩
二侈當此時民貧財匱所不宜擾經營圖回乃得脩
治壇場之餘銀及稅與之折錢遂躍然喜曰此足肇

是吾橋矣於以請之撫按藩府而允由是會募匠伴
函諏日命吾民曰張全者董其事命僧徒曰員朗者
主其變伐石於橋五里起於辛丑之冬十月不匝不
徐不厯吾民一力不需吾民一鎚越三載癸卯秋
橋屹然成吾民無毫倪無遠邇莫不備茲成績感吾
侯之惠無窮其嘗與於勞者則舉手加額曰茲橋其
來濟弗壞不吾更勞矣其嘗與於費者則舉手加額
曰茲橋其來濟弗壞不吾更費矣其嘗病於遠而臨
於危者則舉手加額曰茲橋其來濟弗壞不吾更費矣

以危矣未濟之所以名實以識吾民之忱而昭予
之績如此吾聞而甚善之曰有是哉是名不其稱哉
因次第其說爲記以歸之馮侯名琦字潤卿浙之鄞
縣人云成化二十二年丙午春二月上旬譔

重脩儒學記

羅崇奎

武寧縣學我明允三徙乃正德庚辰建於縣治之右
外擁柳峯內環脩水蓋一邑之形勝斯亦足以祠先
聖宅多士云往昔創制未備迄今多歷年所崇祀之
室講肄之位頽廢痺陋不稱夫子之居有司率昆

武寧縣志

卷之七

四十六

詘因循久之隆慶壬申秋西蜀胡侯始至敦嚴膠庠
以興起斯文爲已任越日謁廟視學撫然曰廟貌弗
肅非所以尊聖於是他務未遑捐俸勸義徵工踈後
壞者頓闕者增相明倫堂左爲五箴亭啓聖祠右爲
名宦鄉賢祠泮池舊在櫺星門之外徙而內梁其中
以導牲幣門以內旣渠然整渙然翔矣又以門外闢
闢恭錯面屏賢路諭於郡守院道復捐俸易地於民
民懽移之曾不旬月學宮之前空朗四豁一改舊觀
顏門之左曰興賢右曰育才中曰青雲亭既竣司諭

李君司訓吳君劄君率多士來記於余余諗於
言亦曰一
意乎學之官侯脩之學之道若輩所自
脩與彼
而主者至聖也我將克念列而祀者群賢
也我將思齊坐師長而課督聯明儕而揖讓者明倫
之堂也我將父子親君臣義夫婦睦長幼序朋友之
交篤敬一五箴聖有謨訓也思邇其心傳名賢尸祝
休有耿光也思追其遐軌以義爲路以禮爲門由之
有漸進之有基則於宗廟庶乎可窺其蘊粵而非徒
官墻外望者矣若德不脩學不講而惟官室之崇遠

武寧縣志

卷之七

四十七

爲美節枕之山藻爲華正惟夫子之所憂而亦豈侯
作人之意哉侯名東陽號寧江四川建昌衛人

關青雲街記

萬浩郡人

武寧爲南昌西屬按圖志儒學在縣治右脉樞神童
玉枕之勝內臨伊渠外帶脩江東通鶴橋西接荊羅
故宅實百里山川之會惟渠外民居屏塞陋隘弗稱
論者宜闢直街斯靈淑之氣得所宣暢惜二百年來
莫之舉也甲戌仲夏也庠吳宗周張機潘策潘大謀
等具陳其事於學博吳君請諸縣尹胡公因以白於

郡守雲舉周公慨然主行公爲呈請撫院洋山陵公
按院惺齋燕公守道順庵嚴公巡道豫吾王公署督
學道帶川周公皆鍾意毓才翊張令舉與雲舉興學
造士之念相符於是胡尹東陽仰體德意捐俸買地
時張本湛周成貢黃仕冠潘大穆欣然就義願納隙
地不受官值街遂闢焉街名青雲廣計一丈有零深
計三十餘丈前抵仙桂大街後即玉印新橋橋跨於
渠因闢街而設是又合於頽壁之義也督學陽山莊
公至益嘉其成冬閏諸學博緘幣命余生錫山潘生

武寧縣志

卷之七

四十八

策謬以記屬僕僕聞闢街之說奮矣何以事關公私
其間有不易者故莫之舉也今遭逢名碩隆治教於
上視學校若家塾視多士如已子翕然同心俾百年
曠舉成於一旦多士不亦幸與抑時至事起山川之
秀發固有待於今日乎倚輿休哉邑之人文科第駸
駿隆盛蓋可卜矣雖然僕所望於多士尤有進於是
焉夫道若大路然何也斯路塞於民居不知闢蓋病
於空言弗求所以用力耳今介然成路於以飛步天
衢奮身百里之程能舍之而他適耶卽是而惟乃知

遠原於天古今共由或拘於氣質或蔽於物欲
焉有弗通者苟知實用其力務求決去闢而通之
蕩蕩平平固坦然在前矣由之上達天德遠致王
夫豈難哉僕與多士有同郡之誼敬記之復勉之云
周公雲臯諱良臣以乙丑進士擢自給舍來守吾郡
爲湖廣公安人胡尹東陽爲四川建昌人公爲郡守
胡爲令長上令下恭同心共濟政知體要士歸其德
百廢具興民用不勞功成而巨寇逼殲有在泮獻猷
之美是用記之

武寧縣志

卷之七

四十九

學士記

李士振

晉江人儒學教諭

邑學舊有租田有之自胡侯造士始侯崇儒重道政
知體要降慶壬申來令茲邑先有事於澤宮旣視學
相堂庶齋舍門闕階序龕櫝几案之具樽彝鼓鐘之
器闕者創之陋者新之先聖之廟祀有嚴師儒之講
肄有位春秋校藝必課其程於上歲時飲燕必洽其
情於下廩餼先期同餽優渥惜恤之愛忠利之教可
謂善至乃治多休暇日就諸生考德問業樸然而嘆
曰仲尼有言君子憂道不憂貧當時遊於其門者

稱顏回爲安貧樂道子貢及門之中高第也猶曰賜不受命而况中庸以下衣褐不卒歲藜藿不厭食者其學安能不以貧奪也苟以貧宴動其心則卑諂無所不至欲成其德而達其材也難矣此非吾有司之責乎爰是單厥心謀所以資於善有耆民葉坤滔伏侯息信承風旨輸田五十畝爲學租聞風向義嗣是者相踵黃仕國獻田八畝有奇盧懷元彭元慶輩各以所隱桑東園相率者於學則其從善也輕矣夫人情莫不欲利侯以育才爲心而富者輸財僞者獻誠

武寧縣志

卷之七

五十

寧非沐羔羊之化而興起焉者語云民函陰陽之性有仁義欲利之心在教化之所助詎不信夫昔在閩觀察使常袞立學講道與學士觀游宴享均主客之禮在潮刺史韓愈出俸舉本收贏餘以給學生厨饌一時人材自磨奮咸得其所成就今侯作人之勤侔於常育士之德過於韓何患乎人材之難成而菁莪棫樸之化不可致也若士之所自養者則當以豪傑自期發憤忘食孔子之所謂學也食無求飽好學之所以爲君子也良農不需豐而後耕君子不待富而

後善故不學而穀耻也學焉而穀耻也古之學也
不以謀食累其心以學則爲陋巷之屢空以士則爲
權輿之無餘以臣則爲北門之徧謫蓋其所志者在
於道德功業而約樂豐困特風雨寒燠之序耳此所
以爲聖爲賢爲忠臣而至於今稱之苟志於穀而以
餓渴之害爲心業必不精行必不成其學也爲干祿
則其仕也爲懷利得無失頤養之正而長乖作人者
勉勉之意也耶余恭承嘉惠蓋銘諸石以識不忘且
申訓悉士觀其自養俾譽髦於侯之無數云田之入

武寧縣志

卷之七

五十一

時萬曆四年五月也地畝租額佃丁稅差詳列於碑

漏澤園記

李士振

按禮孟春之月掩骼埋胔我皇祖洪武三年詔天下
郡縣擇高曠不毛之地置漏澤園王者愛民如子其
生也欲其有所養其死也欲其有所歸生而不得其
養則有惠鮮之政死而不得其歸則有掩埋之令恤
其生而又恤其死不察困窮哀矜之仁一何至哉
寧遵制舊有義塚惟歷年多瘞埋滋衆填骸積骨
土疊丘又其外無垣蔽人畜傷殘至無地以養

露西蜀寧江胡侯東陽令是邑見之惻然大息曰葬也者藏也藏也者欲人之弗得見也此豈所以宣上德意澤枯骨哉於萬曆三年冬十月乃捐金買地於民更創於郭外之東池廣五畝與舊義塚相近是抹是築繚以周垣凡窮不能葬禁水火焚化令瘞埋其中其暴露無主者則收而掩之自是死者得安遇者無泚霜月風露之下無復悲號爲厲者矣夫仁及於死則其生者可知致祭於幽則其明者可知侯之德政百度惟貞不可殫述如於困窮則撫字之中尤加

武寧縣志

卷之七

五十二

憐恤於其生也覈實悉收入養濟院葺其居處時其米布常制之外恒加賙給死則創爲義塚以葬埋之三時厲祭尤極其哀誠牲牲粢盛罔敢或褻民生斯邑不幸而無告者生有養死有葬沒有享又何其幸與嘗觀王制鰥寡孤獨謂之天民民皆天之所生而四者獨謂之天民以尤天之所憫念也昔魯恭有言天愛其所生一物不得所天氣爲之舛錯况於人乎故愛民必有天報若侯者其善體天心宣上德惠窮民而當得天報者與振不佞紀其創立歲月因述其

而為之頌

武寧縣志七卷終

武寧縣志

卷之七

五

